



Broj: 07-45-3397-1/23  
Sarajevo, 11.09.2023. god.

Na osnovu člana 20. Zakona o državnoj službi u Kantonu Sarajevo ("Službene novine Kantona Sarajevo", broj: 31/16), člana 10.a stav (1) tačka b), te člana 18. stav (2) Zakona o javnim nabavkama („Službeni glasnik BiH“ br. 39/14 i 59/22), Plana javnih nabavki Zavoda za planiranje razvoja Kantona Sarajevo za 2023. godinu, broj: 07-45-1554/23 od 14.04.2023. godine, a u vezi sa Odlukom o trećoj izmjeni Plana nabavki broj: 07-45-1554-6/23 od 06.09.2023. godine, te Zahtjevom broj: 07-45-3397/23 od 11.09.2023. godine, direktor Zavoda za planiranje razvoja Kantona Sarajevo, donosi

## **O D L U K U**

### **o izuzeću od primjene Zakona o javnim nabavkama BiH**

#### **Član 1.**

Odobrava se izuzeće od primjene Zakona o javnim nabavkama u svrhu nabavke audiovizualne medijske usluge za potrebe promocije Urbanističkih planova Kantona Sarajevo.

#### **Član 2.**

Procijenjena vrijednost javne nabavke bez PDV-a (17%): do 6.000,00 KM.

#### **Član 3.**

Sredstva potrebna za realizaciju predmetne nabavke obezbijedena su u Budžetu Kantona Sarajevo za 2023. godinu, na razdjelu br. 27 Zavod za planiranje razvoja Kantona Sarajevo, Ekonomski kod 613900 (Ugovorene i druge posebne usluge – urbanistički planovi Kantona Sarajevo).

#### **Član 4.**

Ova Odluka stupa na snagu danom donošenja i bit će objavljena na službenoj stranici Zavoda za planiranje razvoja Kantona Sarajevo.

## Obrazloženje

Članom 10.a stav (1) tačka b) Zakona o javnim nabavkama BiH („Službeni glasnik BiH“ br. 39/14 i 59/22), utvrđeno je da se Zakon o javnim nabavkama ne primjenjuje na ugovor o javnoj nabavci usluga za sticanje, razvoj, produkciju ili koprodukciju programskog materijala namijenjenog za audiovizualne medijske usluge ili radijske medijske usluge koje dodjeljuju pružatelji audiovizualnih ili radijskih medijskih usluga, ili na pružanje usluga radiotelevizijskog ili programskog emitiranja koji su dodjeljeni pružateljima audiovizuelnih ili radijskih usluga. Članom 18. stav (2) Zakona o javnim nabavkama BiH („Službeni glasnik BiH“ br. 39/14 i 59/22), propisano je da je u slučaju izuzeća od primjene iz člana 10. Zakona o javnim nabavkama, ugovorni organ dužan donijeti odluku koja, osim zakonske osnove za izuzeće od primjene ovog zakona, sadrži osnovne elemente iz stava (1) tač. b), c) i d) člana 18. Zakona. Nabavka audiovizualne medijske usluge je neophodna za promociju Urbanističkih planova Kantona Sarajevo.

Predmetna nabavka je uvrštena u Plan nabavki Zavoda za planiranje razvoja Kantona Sarajevo (tačka 2.30), a Zahtjev za pokretanje postupka podnio je Pomoćnik direktora za prostorno planiranje i zaštitu okoliša.

Iz navedenih razloga donosi se odluka kao u dispozitivu.



Prilog:

- Zahtjev za pokretanje nabavke

Dostavljeno:

- ☒ Služba za javne nabavke,
- Služba za pravne i računovodstvene poslove,
- Arhiva.